

# ZRZESZ KASZĘBSKŌ

CZĄDNIK  
KASZĘBSKJICH ZAJMOV



V MJONO BOSKJI  
NORODNI VZENJIK

Vědovajaci i redaktor wodpovjedzalni:  
IGNACY SZUTENBERG – GDYNIA  
ul. Świętojańska 14.

„Zrzesz Kaszëbskŏ“ vëchodŏ 1 roz v mje-  
saci. Przedplatnŏ je rocznje 3.00 zł;  
kwartalno 0,75 zł. Czqdk 25 gr.

NR 10

KARTUZE, rujan 1938

ROK VI

## HISTOREJŌ KASZĘBŌV

dr Al. Majkovskjigo

Ksęga przeszlosce, vspomjinkji vjalgich i zniszczalch vësilkov budaceji i wutrzimanjŏ kroju pomorskjigo. Rozmiszlevanjë nad głovjama vjalgji kjedes ale rozdzarti rodzeczne pomorskji. A dziso? Przedeslovk godo: „Przyjac̄ zatym nalezȳ dzieło dr Majkowskiego jako owoc życia całego i wyraz światopoglądu Pomorzanina, dążącego do odrodzenia Kaszubów i marzącego o wskrzeszeniu ze szczątków pogermańskich nowego wielkiego Pomorza“. Vjelgŏ meslŏ, gromjistŏ, zrodzalŏ przë niszczëjacech grobach pomorskjich księzëtov i na mŏgjelach jech mjinjoni chvale.

Historejŏ Majkovskjigo to vjalgji zvert v historiografiji pomorskji. Njic z ne, że nje pjisol jejı zavodovi historik: je ale vëtvorë desze historika. Pomjonnjik vëtrzymali, chteren procemstavji sę vszedni wumeslni mesle. Zakuńczenjë vskozivŏ, komu ksązkę tę przeznaczel. „Drogocenna ziemia, ale drogocenniejszy jeszcze lud, który zbudzony po tylu latach dla Rzeczypospolitej jako swej matki przechował nieobliczone możliwości“. Młodim kaszëbskjim, procejącim dlo pospolnigo dobra, dlo Polskji i deji lechickji wostavjel ta zdanjë. Matką mŏ bec dlo naji Rzeczypospolita, wobjimnac̄ najimŏ svim mocnim remjenjë, vzie v wopjeke, kultivovac̄ naji vortnosce i pjarcë. Nje nagjibac i zmuszivac̄ naji do porzucenjigo i zabaczenjigo naji przeszlosce, nje vedzerac̄ nom naji kaszëbskji desze. Nje je možno podchodac̄ do naji jakno do njesvego, nje je volno z nama wobchodac̄ sę po macoszemu. Zez pospolnigo dobra muszã brac̄ vszetece po rovnimu. V kroju rzadzec̄ muszi mądrosce politicznŏ; wod nji v belni mjerze zolezī zvjarcë lednosce. Tam gdzie dobivajaci v cigu jistnjenjigo jakjigos kroju złożonigo bele vastami,

a reszta wupjichnjëto, takji kraj po stalatach jistnjenjigo rozpodoł sę (Turcejŏ); zos v złożonych, ale tolerancijnych, roznjiec̄ zagjinële (Szvajcarejŏ).

Je historejŏ Majkovskjigo wodpovjedzã Njemcom. Je historejã bjotkov z njemczeszã, z chterni nasz part Kaszëbjizne vëszed zvecęsko. Tim Njemcom, chterni lãzã i falszevje cali svjat informirejã wo njibe wodvjeczni zemji njemjckji dol krotkji ale mocnë wodrzeknjëcë „apage“! Przë tim wodrzeknjëcim vszetkji dokoze wuczonych bladnã, vszetkji jich rozprave robjã sę mołi, bo to jedno vëstarczy za vszelejaki provde.

Historejŏ da też wodrzeknjëcë tima Polochom, chterni naji majã za Njemcov, kjede njeroz bjerã za regulë vëbrekji njewodpovjedzalnych ledzi. V czase povstanjigo 1863 r. vjele, baro vjele belo Polochovzdrajcov i to vstrzod vszetkji sferov i stanov, rovnac̄ njicht nie povjedzol, że Polosze to Rusce. Przëtim postëpovanjë tich Polochov je vësoke krzëvdzaci. Kto sobje przezdrzol przedvojenni czãdnikji polskji, ten przeczetoł, jakjich z naji robjile Słowjanov, z jakã mjelotã pjisele wo nas. Dzisodnjem czase sę wobrocele: njechtarni atakujã nas z bezvstidnã zjadlevosçã. Më wo tim dobrze pamjëtomë i vjedno mdzemë procem tim vëstëpovale.

Historejŏ na kuńcu samim Kaszëbom vskoza, czim bele, gdzie zdrzodlō jich sele i zdrovotnosce. Przekreslec̄ wona muszi njezdëcidovanjë tich, chterni z kaszëbjizne robjã so pole do povjekszenjigo karjere, chterni na sprave kaszëbskji zdrzã martvim wokë kapitaleste. Vjerzimë, że takji ledze njikomu njick dobrigo nje przënesã. Polsce i Kaszëbom trzebno vjicij ledzi ducha, ledzi dejalistov, chternih celëm je dobro Rzeczypospolitej i Słowjanov.

# Slavia Occidentalis

prof. M. Rudnjickji v spravje „Zrzeszë“

(postępnj vatk)


Chcemež sę przëdzrec kulež tež beło nech ceplëch vspomjinkov na temę zach.-pom. księžetov, chterne tak mocno vzrzeszele v. R. Pokaže sę hevo, že beł artikjel v zvjaszczu z 300-lecim wumercigo Bog XIV (V, 8), pogrzebno mova na jeho tczę (V, 9, 10), reszta to noprostszi fakte z žëcigo belnjeszëch księžetov podonë v rocznëch (V, 10). To vszetinko. Dlotego njewuzasadnjonë je tež załamjivanjë rëkov v. R. To bele n a s z i księžeta, chterni provdac robjile može i vjele felov, le woni žële, procovele, zafulovale czas historeji, reprezentirovale norodspolecznosc pomorskã i wo njech spomjinac i przëboczivac jech muszimë. Kureszce znjemczenië Pomorzigo przënomji v czãdze je wuspravjedlevjoni. Kto Pomorzce mjoł dac novã civilizaeëj? Polskõ nje, bo sama jeji na gvolt brëkova. Znadka znjemczenië mjastov, klostorov, rovno z mocka szło na Pomorzim jak i v Polsce. Lud tež chutinko sę nje zgermanizirovol: jesz z kuńca XVIII st. nad Persantã godajã po kaszebsku, Vjic nje trzebno vjinjic leno najech księžetov, le i czase preskjich krolov i porozbjorovi czase Polskji, chterne lud dobjiłe.

Na str. 212 je takji zdanie: „W piętnastu tomach SO jest znaczna ilość studiów z tego zakresu. Kto chce może ich argumentacje sobie przyswoić i nie będzie potrzebował przeżuwać zwalczonych poglądów nauki obcej“. Na tim molu pozvolajë sobje zrobjic mõłã digresję i przedložec kjile zdanjov z ksãžkji prof. Tad. Zielińskjigo „Świat antyczny a my“, Zamość 1922. Tam czetajemë na str. 108 „Właśnie teraz prawdzie historycznej, temu oku historii, jak zowie ją Polibios, grozi największe niebezpieczeństwo ze strony jej dwóch odwiecznych wrogów: n a c j o n a l i z m u oraz p a r t y j n o ś c i; co to zaś znaczy, nietrudno pojąć. Nie wiem, czy wiadomo wam, panowie, co pewni pisarze rozumieją przez moralność hotentockã? Termin ten ma źródło swe w anegdocie, niezbyt zapewne wiarygodnej, jakoby pewien Hotentot, na pytanie misjonarza, co jest dobro, a co zło, odpowiedział: Jeśli sąsiad zabierze mi żonę, to jest to zło, jeśli zaś ja zabiorę sąsiadowi żonę, to jest to dobre. Teraz zrozumiecie, że owa zasada hotentocka miewa zastosowanie nie tylko w stosunkach prywatnych — tam nie jest ona groźna, tam my żemy z niej śmiać się — o wiele niebezpieczniejsza bywa ona w dziedzinie interesów narodowych i partyjnych“. Przëznac muszi v. R. (pomijijã tu SO), że polskõ nowuka nje je bez wumeslnosce. Povožnõ nowuka polskõ stoi njeroz

v ražãci procemnoce z nowukã wuczonã v szkole strzedni. Vezmë ntp. ksãžkë V. Moszczeńskji i H. Mrozovskji „Podręcznik do nauki historii na II kl. gimn.“, Lvov 1934. Na str. 47 wodkrivomë „Jeden z namiestników polskiego księcia w Gdańsku, widząc rozbięcie i osłabienie Polski, przybrał samowolnie tytuł książęcy“ — „Ale Świętopelk przy pomocy innego księcia dzielnicowego urządził zdradzieckã napasë na Leszka, pozbawiając go życia (w Gasa-wie 1227). Ju njeroz beła vëkazivanõ felovatosc pjerszi teoreji i dziso v povožni nowuce njijak v rechubę nje je branõ. Na jakji õrt doszło do nej zmjilkji, vëkozol Małeckji v svojej „Studiach Herald.“ (Zrzesz V, 3, 7). I rozvjidnjac nje trzebno, chto beł autorę wochebe, chterni kuńcë beła smjerc Leszka. Pravje tim „innym księciem dzielnicowym“ beł Vładislõv Odonic, księzec kaliskji. Dłote tež wuvozajë, że žlë wu naji naleze sę jakjis fel historiczni, abo, kjej dovñij beło wopjarcë so wo njemjeckjich wucznicich, to mdze to przewinjenjë drobnë i možno go nama chudzij vëboczec, njigle v. V. Moszczeńskji, docentovi Univ. J. P.

Vedług mje tak polskji wuczeni jak i njemjeckji robjã nę samę fełę. Wobje starne chcã vëkozac svoje pretenseje do pomorskjich zajmov, a njicht be przedstavjic bezstronno dzeje nje chce sę przedzërznãc v Pomorenka. Dłote sã fele wo trvalim podbjicim Boleslavov, wo polskjich namjestnjikach ve Gduńsku etc. Njemcë zõs spjevajã wotvartno; Kaszebji to Vendovje, a Vendovje to Germanovje (jinaczij Lorentz v „Gesch. d. Kasz.“, gdzie Vendovje to Slovjanovje). Njicht przëtim przëznac cze podsztrichnãc njechce wo zacãtkovi njezavjislosce państvovi Pomorzigo, chterno pozdnji stalo sę zemjã spjernã mjidze Polskã a Njemcami. Wokomë te wuczali polskji dosc pozdno zainteresirovele sę Pomorzim, szczegolno Zopodnim; prõc zõs Institutu Baltickjigo na serjo brac njeje možno.

Njewuzasadnjoni je tež na str. 210 sąd wo naju v zvjaszczu ze smjercã T. G. Masaryka. Më szacejemë T. Masaryka jakno człovjeka vjelgjøgo, chteren slovjańskjimu svjatovi przënjos czestnję, tak jak Polsce Jozef Piłsudskji. Choci Piłsudskji vjele napsel Njemcom krëvj, to nje przeszkodzaje to Loesznerovji cze jinim nazevac go „der grosse Marschall“. Provdac zle sę stalo, że pravje za Masaryka beł nen njeszczëstni napod na Ceszińskji Śląsk. Ale v. R. mõ v tim przipodku jeden le punkt zdrzenjigo i jednã naji sądzi mjarã. Vëd vo sę, jaknobe v. R. wuvozol to za zlosc z naji strane, kjej dobri slovo i provdë wo Masaryku napisale jesmë. Wuvozajë, że tak molimi nje jesmë, žebe leno zlosc robjic i v. R. jakno wuczali vjinjen gëbjji vezdzrec v naji dobri chëce, a nje szekac leno snodkjich prziczinov.



Rysunek: O. Herdemertensena  
(Gryf 1925)

## J. PIŁSUDSKIEJ MOWIEŁ :

„Jedynie czyn ma znaczenie.  
Najlepsze chęci pozostają bez  
skutku, o ile nie pociągają za so-  
bą następstw praktycznych.

W każdym narodzie ceniona  
jest tylko jego samodzielność.  
Tylko rzeczy własnymi rękami ro-  
bione posiadają istotne znaczenie.

WYSIŁEK I PRACA --  
TO NASZ CEL I OBOWIĄZEK!”

Aleksander Majkovskji

## PIESNJO GBURA

Jô z cvjardi zemji kęde vrzos  
I kamiń łomją plegji,  
Kęde pszenice złoti kłos  
Nje vzeńdze v skjibje długji.

Jô z zemji kęde chojne pjeń  
Ževjicę v sluńcu varzi  
A źnjiv za pełen proce dzeń  
Nje vjedno Pon Bog darzi.

Jô z zemji kęde vojska spją  
Ju kłatve vjek sę mjijô  
I jezora vev njebo zdrzą  
Z vęzgodkę v modrim klinje.

Jô z checze, v chterni mocni srąb  
Bjil mjecz i płom i zdrade,  
A wona trzima njeba dąb  
A njicht ji nje dô rade.

Bo kaszebskji ji bronji gbur  
Jak voj v želoźnim szłomje.  
A gbur to mur, a gbur to mur,  
Chteź gbur — gbur — złomje.

(Vějimk ze „Strachov i zrękvjinov”)

## Prôca Koła Akadem. Kaszebov v Kartuzach

Młodi to Koło mô ju belni dorobk za sobą.  
Vėkozol to pjerszi rok (1938) jego robote. Zebra-  
njov belo pjińc; na njich vėgłoszono dva referate:  
kol. Komkovskji „O ideę pomorską“ i v. mgr. Cyl-  
kovskô „Jez. prasłowiański, jego rozpad na dialekty  
ze szczególnym uwzględnieniem grupy łechickiej“.  
Dnja 24. IV. Koło wurządzeło akademję na tczę  
dr Majkovskjigo, chterna zgromadzela vjele ledzi.  
Na akademiji ti vjele dovjedzało sę, chteź beł Maj-  
kovskji i co won v svojim źecim zrobjeł. V lece  
Koło vėstavjeło „Vreje“ Fr. Trédra; stovô sę ju  
zvezcaję, że akademjice co roku pokożą co kaszeb-  
skjigo. Szteka ta ceszela sę dosc vjelgjim povodze-  
njim i vo njeđ dalesmė spravozdanjé v wostatni  
„Zrzesze“. Nje zaboczalo Koło teź vo svojich człon-  
kach, dlote teź wurządzeło dvje viczeczki do Cet-  
njeva i Łączina.

Starą Koła povstało „Tow. Ochrony Kaszubskiej  
Sztuki i Przemysłu Ludowego”, vo chternim pji-  
szeme v dzisejszi „Zrzesze“. Przęczenjilo sę teź vo  
wotemknjęcigo vestave kaszebskji wu v. dr Maj-  
kovskji, belno ji pomagajęc.

Vjele zavdzęczac noleži prezesovi Koła v. Arend-  
tovji Aleks., chteren vjele vložel v procę Koła i jesz  
baro vjele zrobji.

## WZIENNIK ARKONIE

Tragedejô v 4 aktach — AKT Pjerszi

71

Dech:

Dobecé!

Deche:

Svjëti zdar!

Dech IX:

I mdze

Pod Slavjê z te pjerszi tu fudameñt,  
A zrodzi jê belnã ten hevo gruñt,  
Chteren Slovjañskji leno je.  
Z provdê lubjenjô bjerzê moc  
Mjelosc, oh mjelosc tateznejê  
Njecê nom procem zvjartich l'žê,  
Nje dej sê wotmëtom tu Strec!  
Mstega jô, Procem szed jem msce.  
Kroj wojcov, kraj mjeli jem bratom doł,  
Le cež z nje dzis — jakbe to smëtku choł  
Zdrzê, senje, jak dzisi sê ploszi krol  
Nje zemji, le mjonê co chrzconi bol.

Dech X:

Njigle stãdk pudzesz wotroku  
Krzosac vëgasli wognjiszcza;  
Njigle stãdk gvjodzê porenku  
Zakrzosisz v lëku zemjiszcza;  
Njigle stãdk, njigle vstanjesz stãdk,  
Zaplaczê! Zmoczê popjoł l'zã,  
Be v wocze, be v gordzel nje kurzel ce,  
Dmuchi dechê tech, co chcã  
Žnjicovac smëtkem svojim vãtk  
Postëpni rodni stãrkov naj,  
Co v jezmejê pochlebstva svoj strivajã  
Rodni gon — lud svoj ceganjã —  
Karkov sležalstvu zgjibajã...  
Oh parche! Chtež zrodzel vas bladich — lež?  
Chtež strëptol vas v mledê, gnoj — czarci  
cud...?

I mota tež chvalê!

Deche (churê):

Strzod parchov!

Dech X:

Lež,

Spjêj lepji, zle mocê dosc nji mosz v se,  
Bo pjołun, woc v pjicu tam cebje ždze,  
Jô jeden zimk ledov wu naju choł  
E dobrze vjesz, svjãdê jem jakã mjoł.

Deche:

Mê don ê, ju dele mu cvjardã torcz.

Dech:

Vzëtã z lubjenjô tateznejê

Deche:

Na pjerse mu dele z nas z dzejov torcz

Dech:

Z njim iesz roz guslã dergnjemê

Dech I:

Jesz naszi, czoł! jidã. To zažarti  
Sã Njemce, Pomorskji zôs zapjarti

Dech III:

To jidã jesz cenje le cenjov! Chlech,  
Chlech szarpje, že vëzdri tak rodni dech!  
(Vchodo kjilenosce dechov szarech tak, že robjã sê  
dvje strone z bjolech i szarech; mjidze njima Guslorz)

Dech (szari) I:

Ha, zdrzeta va bjoli na hevo nas

Guslorz:

To godzena Pjotra verodza vas —  
Pjotra žol leno nji mjasta!

Dech (szari) I:

Jô chodzê ê szukom, bo sztridkji ni  
Hevo tu majã jak sê vzic  
Dejê glepjenjô vprzek vom klec  
Dobrze jim v slepka vezdrzeta!

Dech (szari) II:

Vjemê ju dze nom trzebno jic

Dech (szari) I:

Ale zdrzê, zdrzeta va vszetce tu  
Ko v cenjach jich szarech je zapjarcê  
(do decha II)

V slepjach mosz go bratinku;  
Darmo jak svjëtoszczacznjesz vec...

Dech (szari) II:

Czê mom go, czê nji mom, to rovne ce!

Dech (szari) III:

I boczê, bo vodã tu vorzknjesz mje  
Njigle ce połknje Gładobog...

Dech (szari) II:

Va procem mu jesta przez apartnosc  
Zgrove; jak më, njech spjevje rog...

Dech (szari) I:

Ha, zdrzeta tim wobum wo pjerszosc je

Dech IX:

V ledu glëpjenjim gves — ha, ha...

Dech (szari) I:

Ten stori mô vpravê v tim — rzek to mje

Postëpni vãtk mdze.

## „Tow. Ochrony Kaszubskiej Sztuki i Popierania Przemysłu Ludowego“.

Starą Koła Akad. Kasz. v Kartuzach założono towarzestwo pod vežij vēmjeajonim zévjiszcę. Zebranjé jinformacijno-worgan. wodbeło se 23. VIII. pod przewodnjictvę v. vicest. Cz. Budnika. Na nim zebranjim vėloniła se sprava, cze mō to bec tov. vosobně, cze zvjazané z gdińską „Stanicą“. Dłote teź vebrano komitet 5. chterni mjele porozmjec se ze „Stanicą“ i zdac spravę postępnimu zebranju. Grepa, chterna chca zrzeszinjigo ze „Stanicą“, wurządzeła ju zebranjé 12. IX., chterno rovnak venjiku nje dało. Dopjerze valně zebranjé, zvołoni przez komitet 5 na 17. IX. założeło towarzestvo. Na zebranjim tim przē 24 ledzach, za tim, żebe tov. beło vosobně, głošovalo 23. Trzebno zaznaczc, że „stancjicovcov“ na zebranjim nje beło. Zarząd vėbrano: prezes — v. Kolka J.; viceprez. — v. Meissner Vl.; pisorz — v. Majkovskô Fr.; skarbnjik — v. Kolkova Ag.; członk zarz. — v. Necel. Tov. mō na celu; a) szerzyć wśród społecz. pol. zamiłowanie i poszanowanie zabytków kultury i sztuki lud. kasz.; b) zabezpieczyć od zagłady i zniszczenia wszelkich zabytków kultury i sztuki lud. kasz.; c) gromadzić i opracowywać materiały nauk., dotyczące sztuki lud. i przem. lud. kasz.; d) popularyzować i rozwijać wiedzę o kulturze i sztuce lud. kasz.; e) propagować i dbać o turyst. i letniska na Kasz.; f) popierać sklepy i kioski dla zbytu wyrobów kasz. sztuki i przem. lud.; g) zorganizować nowe warsztaty wyrobów kasz. a istniejące zachęcać do udoskonalenia. Do tov. zapjisalo se 40 ledzi.

Jan Patock

### Rėbok ę ribka.

(Povjostkji kaszebskji, dzěl III)

Nad morzę mjeszkoł roz wubogji rėbok ze svoją bjałką v bjedni chōce. Chodzeł co dzeń na rėbe, ale całi tidzeń nje wulovjił njic. Bjėda beła wu njego, nji mjoł njic do jedzenia i do pjica. Jaź v sobotę wuchvecoł mołą ribkę. Ribka ta se wodezva do njego ledzkjim głošę:

Vsadzē mje nazod do vodē, ę jō ce dom vszetko, co te le bdzesz sobje zecził“. Rėbok ale wodpovjedzoł: „Co vjėkszi jak vesz, to dodom bjerz, a lepszi vrobel v ręce, jak sto gołąbkov na dachu“. Ribka ale povjedzała: „Ceź to ce pomoże, kjej tē mje zjesz. Jō jem takō mołō, a tē se ze mje nje najesz“. A wona go tak długo prosela, jaź won rzek: „Jō

puszczę ce ribko, kjej tē mje novi budink spravjisz“. Rėba povjedzała: „Bjej le dodom, novi budink ju stoi“. Wuvjerził to rėbok ę vsadził rebę do vode. Wona rzekła: „Kjej tē so bdzesz znov co zecził, tej przindz do morza a zagvjizdze, jō przēplenę ę to bje pomożę“.

Rėbok poszed dodom. Zamjast wopszarponi chotē stojił novi masivni budink. V jizbach bełe novi meble, v kuchnji beło vszetkjigo dosc do jedzenia ę do pjica. Rėbok wusod so z bjałką do stołu, jedle ę pjile ę bełe vjesołi. Ale jak trzē dnji mjinēł, povjedza rėboczka do rėboka: „Chłopje, jes tē ale głupji! Nji mog tē so mjec co lepszigo zeczeni, jak ten budink! Bjej do rėbe a povjedz ji, że chcesz mjec vjelgji dvor ę pałac“. Rėbok ale povjedzoł: Jō mom dobri ten budink, lepji so v njim mjeszko, jak v ni stori budze, chterną mog nom pjerszi sztorm wobalec! Jō nje pudę!“ Ale baba godała ę godała, vėzėvała strecha wod gļepcov ę dokuczala mu tak długo, jaź won do morza szed ę zagvjizdoł, Rėba na vėtkła głovę z vode ę so pitala: „Ceź tē chcesz?“ Won wodpovjedzoł: „Moja bjałka nje chce tak, jak jō chcę!“ Rėba so pito: „A ceź wona chce?“ Rėbok rzek: „Wona chce mjec vjelgji dvor ę chce mjeszkac v pałacu jak panovje szlachta“. Rėba wodpovjedzała: „Bjej dodom, co tē so zeczisz, to teź ju je!“ Rėbok szed a na mjejscu budinku stojił pałac ę do njego przėnolegoł vjelgji dvor. Mjeszkale ters z bjałką jak jakji panovje. Pitoł so chłop bjałkji: „Mosz tē terusku dosc?“ A wona rzekła: „Jo!“

Mjinęło trzē njedzele, a baba povjedzała: „Chłopku, tē muszisz jisc do ti rėbe, bo jō chcę bec krolovą!“ Won wodrzek: „Wobarchnjała tē babo? Nji mosz tē so dobrze? Rob co chcesz, jō nje pudę“. Ale baba nje przestała gadac ę szcekac, jaź won poszed nad morze, zagvjizdoł, voda so zburzeła, zaszemjała, v pjanje pkozala se rėba ę rzekła: „Ceź tē so zeczisz?“ Won rzek: „Moja bjałka nje chce tak, jak jō chcę. Wona chce bec krolovą!“ „Bjej dodom, wona ju je krolovą“ wodrzekła rėba. Rėbok szed dodom. Zamjast pałacu stoji nad morzę vspanjali zomk krolevskji. Przed bramą je żołnierskō vacha, v zomku lotō lecznō wobslega, a rėboczka sedzi na krolevskjim tronje, mō złutą koronę na głovje, przē nji wuvjijō se szlachtę, przed nią klonjaja se generalovje. Rėbok pito so: „Jes tē terusku szczestlevō?“ A wona wodpovjedza: Jo!

Tak mjinęłe trzē mjesące, a baba rzekła do rėboka:

„Chłopje, to njic nje pomoże, muszisz jisc do ti rėbe. Jō chcę bec papjeżę!“

(Postępnj vatk mdze)

## Co se czëtô ë czeie

V wostatni „Klëce“ (15. IX.) mjelejesme dwa artikle wo „Zrzeszë“. Pjerszi z mocnim titlë „Separatisece“, zadzewił nas njeznajomotą temë, chterna to jaż wëkzoł red. nac. v. Schroeder Franc. Na dregji „Niech to czyta Zrzesz Kasz.“, przez wzgląd na wejatkowo chlezdrowati vsebôt, nje wodpovjeme njijak. Możeme autorom leno polecec Tuvima „Polski słownik pijacki i antologia bachiczna“.

Na str. 7 mome do zanotowanjô barô njemili fakt, v chternim zavjinjila tež redakcejô. Zamjeszczenjé Kl. Derca „Ballada o mistrzu Berkanie i trzech pomorskich żupanach“ bez podanigo autora je karigodni. Më przëpomjinajeme, że balada ta drekowanô bela v „Gryfie“ 1910, nr 9, str. 280—284, a autorem je Al. Majkovskji. V. Derc przerobijl sę ja som bez vszetkjigo; na te rzecze „Kleka“ muszi zvarcec wuvogę,

— V „Orëdowniku“ z 5. IX. mome artikjel mgr. Fr. Prz. „Separatyzm polityczny na Kaszubach. Dokąd zmierza akcja „Zrzeszë Kaszebskji?““. Zastanovjającym je, że ëdeckji gazetnjictwo na rozkoz zaczęło v tim samym czasie nas napodac. (Zrobjela to „Klëka“ za pjenjãdze mjasta Vejrova, zrobjel to „Kurier Poznański“ ij.). Më procem temu njick ni momë, le jedno: vastovje ni mogle be sę rovnak podpjsiac całim nazveskjem. Czegoż so mają bojec: czekô jich novjikszo tca za wëkrecë zdrajcov i separatistov. Vjic hejże na zejca z vastą Fr. Prz. na czele! Më żeczime vama vjele szczescigo, senovje Polskji szlacheckji.

— V Vejrovje na renku wodkrele grob przed-historeczni, v chternim naloz kustosz muzeum morskjigo dr Janina Krajevskô dvje urne z popjołama i resztkji pocorov koralovech. Te znalezeska mają bec zoczątkę muzeum kaszebskjigo v Vejrovje.

— Dnja 4. IX. tr. v Gdinji-Cisovje v wobecnoscce voj. Raczkiewiczza i X. bisk. Okonjevskjigo wodbele sę coroczne dożinkji kaszebskji.

---

(S l a v i a O c c i d e n t a l i s, dokuńczenjé ze str 66)

Telë wo spravach historecznych. Można be jesz vjele wo njich napisac; postarome sę wo to, be v postëpnich numrach bele i artikle wo ksiżëtach vzen.-pomorskjich. Kureszce wo njich pijsela jinni v historejach Pomorzigo i artiklach, wostatnjo Majkovskji v svoji „Historeji Kaszebov“. Vjele be jesz trzeba diskutovac, ale czas na jinszë sprawie.

Brunon Sobczak.

---

Wu v. dr Majkovskji v Kartuzach

ulica dr Majkovskjigo 31

są do nabecé rocznikji „Gryfov“

Rok 1908—1909: nr 1, 2, 4; rok 1910: nr 2, 3, 4, 5, 6, 7, 8, 9, 10, 11; rok 1911: nr 1, 2, 4, 5, 7, 8, 9, 10, 11, 12; rok 1912: — nr 1, 2, 4, 5, 6, 8, 9, 10, 11, 12; — 1921—22—25 vszetkji; za numer 50 gr.

**Żecé i przigode Remusa**

Cena 1,50 zł.

**Historia Kaszubów**

Cena 4,00 zł.

---

— Dnja 4. IX. wodbeło sę wotemknjécé „Domu Rybaka“ mjona gen. Orlicza-Dreszera. Wotemknjécé dokonele v. vojevoda Raczkiewicz i ks. biskup Okonjevskji.

PRZYZER VEDA VO V

— J a n t a r, R. II, 3 (7), Gdinja. Artikle: Roman Grodecki — Bolesław Krzywousty, w 800-ną rocznicę. Francis J. Bowman — Gustaw Adolf II. i Reformacja. Jan Czekanowski — Prolegomena polsko-niemieckiej dyskusji antropologicznej. Józef de Keuster — Konkurencja Antwepii i Roterdamu v obrotach z krajami bałtyckimi.

— R u c h S ł o w i a ń s k i, R. III, 8; Lvov.

— Dnja 28. IX, wodbeło sę v „Dworze Artusa“ v Tornju jinauguracijné zebranjé „Stanicy“. Na program zebranigo zloželo sę za przemovjenjim vstëpnim przew. v mgr. Kreffte referat red. mgr. A. Bukovskjigo i wëgłoszenjé njeznonech kaszebskjich tvorov literackjich. Z vjolgą wuvogą wëstlechele wuczestnjice przemovjenjigo v sprawie dżałalnote wëdovcov „Zrzesze Kasz.“, wostatnjo baro czësto napodanji przez pevjen dzël gazetnjictva polskjigo. Stovjani zarzute „Zrzesze“ v przevoźni mjerze venikają z moli jesz znajomote deji kaszebskji i provdzevich zamjerzenjov ji tvorcov. V wozevjoni diskuseji na temate poreszoni v cekavjim referace zabjerele głos m. jin. vv. Jonas, dr Łukowicz, mgr. Wojnowski, Schwartz, A. Labuda, mgr. Krefft.

Dalij wëgłoszono kjile tvorov literackjich kaszebskjich, chterne wëgłoszele vv. Kullas i Bianga (Dz. Byd.)

Tłukjem Zrzeszë Kaszebskji v Kartuzach.